

Khopolo e fosahetseng ea 7 – "Mamoseleme ohle ke Maarabo"

Mamoseleme a Maarabo a etsa mashome a mabeli lekholong (20%) lefats'eng, ho bolelang hore 80% ha se Maarabo. Mohlala, hona le makula le Maindonesia a Mamoseleme ho feta Maarabo a Mamoseleme.

Islamo e ruta hore ha ho motho ea maemong a betere ho feta emong ka lebaka la mohlobo kapa 'mala 'me ehlele e khahlanong le khethollo ea 'mala ka tsela e khetholohileng. Islamo ena le molaetsa o ts'oanang sebakeng sa batho bohle – ke ka hona, motho emong le emong a fumanang khotso le katleho feela ka ho tseba le ho rapela Molimo A le Mong Feela Oa 'Nete.

Khopolo e fosahetseng ea 8 – "Jihad ke bokhukhuni"

Moelelo oa Jihad ke ho sebetsa ka thata le ho ipha sehlabelo malebana le ho sireletsa tumelo ea hau ka tsela e khotsofatsang Molimo. Ho ea ka tlhaloso ea lentsoe Jihad ke ho bolela "ho sebetsa ka thata" etsoe le ka sebelisoa ho bolela ho sebetsa ka thata ho etsa botle, ho fana ka lithuso kapa ho ba karolo ea lebotho la ntoa la Islamo. Tsela e batlang e tsebahala haholo ke Jihad ea lebotho la ntoa eleng e lumelloang molemong oa ho boloka boiketlo ba sechaba, ho thibela khatello hore e se name le ho pharalatsa toka. 'Me sena e ka ba ts'ireletso khahlanong le ho hlaseloa kapa ka ho hlasela, ntho e ka laolang sena ke maemo a nakong eo e etsahalang.

Khopolo e fosahetseng ea 9 – "Mamoseleme a rapela Muhammad kapa Molimo oa khoeli"

Kutloisiso e 'ngoe e fosahetseng ke hore Mamoseleme a rapela Moporofeta Muhammad (KEL). Sena se fosahetse ka mokhoa o khethehileng, etsoe ebile se hanyetsoa ke polelo ea Moporofeta (KEL) ha a ne are:

Islamo e ruta Mamoseleme ho hlomphe Baporofeta bohle ba Molimo le Barumuoa – empa ho ba hlomphe le ho ba rata ha ho bolele hore ba rapeloe.

"Le se ke la nthorisa haholo joalokaha Bakeresete ba ile ba rorisa Jesu, mor'a Maria. Ke lekhiba la Molimo, ka hona le mpitse Lekhoba la Molimo le Morumuoa oa Hae."

Maikutlo a mang a ntseng a ts'oana le ano ke a hore Mamoseleme a rapela "Molimo oa khoeli" eleng ntho eo eseng 'nete le eona. Ho rapela khoeli kapa ntho e 'ngoe kantle le Molimo ke ntho e thibetsoeng ka thata Islamong:

"Le se ke la khumamela letsatsi kapa khoeli, le mpe le khumamele Allah Ea li bopileng, haeba le feela le Mo rapela." Kor'ane 41:37

Islamo e tiisa kantle le ho sekisetsa, ho phethahala ho felletseng, boholo le ho khetholoha ha Molimo. Ke Ea lokileng ka ho fetisisa hape Ea Mohau ka ho fetisisa. Ho rapela Eena feela ke bolumeli ba bohlokoahali Islamong, joalokaha ho hlalositsoe libakeng tse 'maloa kahare ho Kor'ane.

Khopolo e fosahetseng ea 10 – "Islamo e lumella manyalo a qobelletsoeng"

Manyalo a hlophisitsoeng (ke batsoali) ke litloaelo tsa moetlo tse atileng haholo linaheng tse itseng lefats'eng ka bophara. Leha ele mona a sa tobiso ho Mamoseleme feela, manyalo a qobelletsoeng a se a kopanyoa le Islamo ka phoso.

Islamong, batho ba batona le ba bats'ehali ba na le tokelo ea ho khetha kapa ho latola motho eo ba ka kenang lenyalong le eena, 'me lenyalo le nkoa ese lenyalo haeba mosali a sa ka a fana ka kamohelo ea lenyalo pele ho lenyalo.

Khopolo e fosahetseng ea 11 – "Islamo e qobella batho ho ba Mamoseleme"

Le haele mosebetsi oa Mamoseleme ho fetisa le ho phatlalatsa molaetsa oa Islamo ho batho ba bang, ha ho motho ea ka qobelloang ho amohela Islamo. Ho amohela Islamo, motho o lokela ho lumela ka tieo le ka boithaopo 'me a ikobela melao ea Molimo, ka mantsoe a hlakileng ha ho motho a ka qobelloang ho amohela Islamo.

Beha lintho tse latelang maikutlong:

- Indonesia ena le sechaba sa Mamoseleme ka ho fetisisa lefats'eng empa ha ho lintoa tse kileng tsa loanoa teng.
- Ho na le Bakeresete ba 'nete ba khumamelang Molimo A le Mong (Coptic Christians – ba sa lateleng boraro bo teroneng) ba ka bang limilione li 14 bao esaleng ba phela kahare ho linaha tsa Maarabo.
- Islamo ke tumelo e holang ka ho fetisisa linaheng tsa Bophirima hajoale.
- Leha ho loants'a khatello le ho qobella toka e le a mang a mabaka a etsang hore jihad ebe teng, haele ho qobella batho ho amohela Islamo ha se le leng la mabaka a teng.
- Mamoseleme a busitse naha ea Spain ka lilemo tse 800 empa ha ba so qobelle batho ba teng ho amohela Islamo.

Qetello

Ho ithuta Islamo ho tsoa ho batho ba sa rutoang le ho hlahlojoa ke litsebi tsa eona ho kotsi ebile ho khanela ho tlhokahalo ea kutloisiso. U se ke be oa itumella ho lahloa ka ho tataisetsoa ho khopolo e fosahetseng e senang motheo ka Islamo – eleng bolumeli bo lateloang ke kotara ea batho ba lefats'e.

Na tataiso ea botho, eleng molaetsa oa Islamo, e lokela ho lateloa ka hlokolosi le ho utloisisoa hantle?

Molimo O re:
"Ha ho se be le qobello ea tumelo. 'Nete e entsoe hore e hlake khahlanong le ho fosahala."
Kor'ane 2:256

Sebakeng sa thakisetsa letsetsa kapa kopana le Tsie Abdullah Sesinyi, Sekamaneng Islamic Centre
Sebakeng sa thakisetsa le lintha tsohle ka libuka tsa tumelo ea Islamo
Mohala (+266) 56231487
www.islamic-invitation.org
Sebakeng sa liinyehelo:
khatiso ea pamphlet ena ke M7.00 ele 'ngoe loale u ka thusana kamoso u ka khonang, le batho ba li hlahlobang pele li ea khatisoeng ba hloka M150.00 ka leqephe.
M-Pesa 56231487
Eccocash 63047505
Facebook: Abu Muammar Abdullah S
WhatsApp: +266 56231487

Khopolo tse fosahetseng ka Islamo

Hantle u tseba eng ka Islamo?

مفاهيم خاطئة عن الإسلام
باللغة السيسوتو

www.islamic-invitation.com

Selelekela

Islamo ke e'ngoe ea litumelo tse kholo lefats'eng leha ho le joalo e ntse e sa utloisisehe. Ka mabaka a fapaneng – ekabang a lipolotiki, moruo, mafapa a khethollang a litaba kapa letsoalo la ba "bang" – ho hloka 'nete kapa mehopollo e fosahetseng e ileng ea jaloa khahlanong le Islamo. Senotlolo sa ho utloisisa Islamo le Mamoseleme ke ho loants'a maikutlo a leshano a fuoang ba hlohang tsebo le ho hlahloba boemo bo bong le bo bong ho ipapisitsoe le lithuto tsa Islamo le mehloli ea 'nete ea Islamo.

Khopolo e fosahetseng ea 1 –

"Mamoseleme ha a arolelane litsela tse ntle le tse hlomphehang tsa bophelo le batho bao eseng Mamoseleme"

Moporofeta Muhammad (Motho e be le eena) o itse: "Ea betere har'a lona ke ea nang le mekhoha le boits'oaro bo bottle ka ho fetisisa."

Batho ba bang ba na le maikutlo a hore tsela tsa bophelo tsa Islamo ha li lumellane le tsa bophelo ba linako tsa sejoale-joale ho ipapisitsoe le tsela tsa bophelo ba linaha tsa 'Bophirima'. Ana maikutlo a hole haholo le 'nete.

Mamoseleme a ts'ehetsa maemo a hlomphehang a akaretsang joaloka:

- ho ba le 'nete le toka.

- ho boloka lits'episo.
- ho lumella bolokolohi ba tumelo.
- ho hlonepha batsoali, ba leloko, baahisane le batho ba baholo
- ho fana ka lithuso, hoba mosa, le ho hlokomela mafutsana le bahloki.
- ho tsoella baahisane ho se thetse, qhekelle, rohakane le ho se sebe mang kapa mang.

Mamoseleme a lebelletsoe ho sebetse le sechaba ka tsela e nang le ponaleitsoe le hore mekhoha le boits'oaro ba bona bo lokela ho nepahala ka ho fetisisa.

Khopolo e fosahetseng ea 2 – "Mamoseleme a rapela Molimo O mocha O bitsoang Allah"

Lentsoe "Allah" ke lentsoe la Searabo le mpang le bolela Molimo Ea Matla Ohle- eleng lentsoe la Searabo leo moelelo oa lona o leng moholo le ho pharalla ka ho fetisisa, le bolelang Eo eleng Eena Feela Molimo A le Mong.

Mamoseleme a rapela Molimo ea neng a rapeloa ke Baporofeta Nooe, Abraham, Moshe le Jesu.

Allah ke lentsoe le ts'oanang leo Maarabo a bakeresete le Majude ba le sebelisang ha ba bua ka Molimo.

Leha ho le joalo, le ha Mamoseleme, Majude le Bakeresete ba lumela ho Molimo A ts'oanang ('Mopi), tsela tsa bona malebana le Eena ha li ts'oane ho

hang. Mohlala, Mamoseleme a hanyetsana le taba ea hore Molimo O na le molekane kapa ke karolo ea boraro bo teroneng, 'me a bonts'a phethahalo ele feela ho Molimo ea Matla Ohle.

Khopolo e fosahetseng ea 3 – "Islamo e lumella bokhukhuni"

Litsi tsa phatlalatso ka kakaretso li hlahisa Lemoseleme le leng le le leng le loanang ele setlokotsebe, ho sa tsotellehe hore na ba ea its'ireletsa kapa ha ba its'ireletse, kapa ba hanyapetsa batho kapa ba ea hanyapetsoa.

Ntoeng, tlhaselo ea batho bao eseng karolo ea lebotho ha e ea lumelloa ho ea ka Islamo. Ele tlhakiso, mamoseleme ha a lumelloa ho senya limela le ho bolaea liphoofole ntle le mabaka, joale u ka reng ka batho. Ka mantsoe a mang, ho molemo ho khetholla lipakeng tsa bokhukhuni le ho thibela tlatlapo, joalokaha ketsahalo tse na tse peli li sa ts'oane.

Kor'ane e hlalosa botebo ba ho bolaea motho ea se nang molato le boleng ba bophelo ba motho.

"Haeba mang kapa mang a ka bolaea motho ea se nang molato, e tla ka o bolalle sechaba sohle. 'Me haeba mang kapa mang a pholosa motho o tla ts'oana leha a"

Khopolo e fosahetseng ea 4 – "Islamo e tlatlapa Basali"

Ka Islamo, banna le basali ba nkuoa ba lekana ka pel'a Molimo, ka bobeli ba fumana moputso o lekanang le boikarabello bakeng sa liketso tsa bona. Ntho feela e khethollang batho mahlong a Molimo ke boemo ba bona ba borapeli.

"Kannete, ea hlomphehang ho lona mahlong a Allah ke ea ts'abang Molimo ka ho fetisisa." Kor'ane 49:13

Temana ena e hlakisa hore tlhompho le maemo ha li fumanoe hobane motho e le morui kapa mofutsana, a le mots'o kapa a le mosoeu, a le motona kapa a le mots'ehali empa li fumaneha ka ho ts'aba Molimo

Allah, eleng 'Mopi oa banna le basali, O file emong le emong mesebetsi le malkarabelo, a bile a ntse a shebile phapano ea bona.

Basali ba fuoe tlhompho le tlhompheho, joaloka tokelo e lekanang ea ho lefa, khetho ea molekane, ho nts'etsa lithuto pele, tokelo ea ho hlala le ea mafa. Ka bomalimabe, ho na le basali ba Mamoseleme ba hatelloang 'me ba sa fumane litokelo tsa bona.

Sena ha se phoso ea Islamo. Bothata ke hore linaheng tse ling, batho ba latela meetlo e itseng le litloaello tse senang boemo kahare ho Islamo.

Khopolo e fosahetseng ea 5 – "Kor'ane ke buka feela ea Nalane kapa ea lithoko"

Kor'ane ke ts'eno e eleng lentsoe la 'nete la Molimo Ea Matla Ohle, e sonotsoeng ho Moporofeta Muhammad (KEL) ka Lengeloi Khabariele (KEL). 'Me ke eona sekala sa 'nete, se ts'etseng tataiso ea tsela eo batho ba lokelang ho phela ka eona. Kor'ane e fana ka lithuto tsa lichaba tsa pele 'moho le nalane ea Baporofeta ele hore re ithute ho tloha maphelong le lithutong tsa bona. E tsoela-pele e re ruta ka rona le 'Mopi oa rona, hape hape le sepheo sa boteng ba rona eleng ho tseba Molimo le ho Mo rapela A le mong.

Molimo Ha A bopa batho hore feela ba tlo sollaka ntle le mabaka. Ho hlahloba tumelo ea hau ke ho sebelisa bohlae ba tlholeho, bolokolohi ba maikutlo le bokhoni ba ho ts'etleha litaba ho hlahloba le ho elloa mats'oao a Molimo – 'me le leng la mats'oao ao ke Kor'ane.

Tsela e nepahetseng ea ho fumana hore na hantle Kor'ane e ipapisitse le eng ke ho ipalla eona ka bo-vena.

Kor'ane e ts'etse kahare ho eona mehlolo e mengata, molemong oa hore re se be le pelaelo ka motheo oa eona.

Khopolo e fosahetseng ea 6 – "Hijab ke tlatlapo"

Ho sebelisa hijab, basali ba Mamoseleme ba hlokoa ho ikoaela ka mokhoa o etsang hore ba hlomphehe kaha ba koaela 'mele ka liphahlo tse sa bonts'eng hore na 'mele ea bona e aheile joang ka pel'a banna ba sa amaneng le bona ka kotloloho. Leha ho le joalo, hijab ha e apareloe bokantle feela; e apareloa ho bua ka tsela ea tlhompho, boits'oaro bo bottle le boits'oaro bo hlomphehang.

Leha ho ena le melemo e mengata ho hijab, lebaka le ka sehloohong la basali ba Mamoseleme la ho apara hijab ke hore ke taelo ea Allah (Molimo), 'me Eena O tseba se molemong oa 'mopo oa Hae.

Hijab e matlafatsa mosali ka ho bonts'a bottle ba hae bo kahare ba semoea hona le chebahalo e kantle e sa bonts'eng semelo sa hae. E fa basali bolokolohi ba hore ebe karolo ea sechaba e lokolohileng ebile e ntse e boloka seriti sa bona.

Hijab ha se lets'oao la nyenyefatso, khatello kapa ho koaloa molomo. Empa, ke molebeli khahlanong le lipolelo tse theolang maemo a motho, ho atameloa ka tsela e sa hloka haleng le ho khetholloa ka leeme. Nakong e tlang ha u bona mosali oa Lemoseleme, tseba hore o koaetse chebahalo ea hae, eseng ke lloka kapa bohlae ba hae.